

**Գիտահետազոտական կրթաթոշակներ ասպիրանտների և
երիտասարդ գիտնականների համար
(երկարաժամկետ կրթաթոշակներ՝ 1 տարի ժամկետով,
ուշադրություն՝ փոփոխված ընթացակարգ)**

Նպատակը

- Կրթաթոշակներն արտասահմանցի երիտասարդ գիտնականներին հնարավորություն են ընձեռում գիտահետազոտական կամ հետբուհական կրթության ծրագիր իրականացնել գերմանական բուհերում կամ արտահամալսարանական գիտահետազոտական հաստատություններում:

Տևողությունը

- Կրթաթոշակի վերջնական տևողությունը որոշում է ընտրություն կատարող գերմանական հանձնաժողովը: Կրթաթոշակի տևողությունը, որպես կանոն, մեկ տարի է, եթե այլ որոշում կայացված չէ: Գերմանիայում պաշտպանության նպատակով տրվող կրթաթոշակների տևողությունը կարող է լինել մինչև 3 տարի:
- Կրթաթոշակները կարող են ուժի մեջ մտնել հունիսի 1-ից: Կրթաթոշակակիրները, որոնց կրթաթոշակը 7 ամսից ավել է, սկսում են, որպես կանոն, հոկտեմբերի 1-ից :

Կրթաթոշակային վճարումներ

- DAAD-ն վճարում է 1000 եվրո ասպիրանտների կամ հայցորդների կարգավիճակ ունեցող դիմորդների համար: Կրթաթոշակն իր մեջ ներառում է նաև որոշ վճարումներ բժշկական ապահովագրության հետ կապված: Բացի դրանից DAAD-ն վճարում է նաև ճանապարհածախսը:
- Վեց ամսից ավել տևողությամբ կրթաթոշակների դեպքում տրամադրվում է կրթության կամ գիտահետազոտական աշխատանքի համար անհրաժեշտ օգնություն, ինչպես նաև հավելավճար բնակավարձի և ընտանիքի անդամների համար: Առանձին դեպքերում հնարավոր է նաև ֆինանսավորում լեզվի կուրսերի համար:

Դիմելու համար անհրաժեշտ պայմանները՝

- DAAD-ի գիտահետազոտական կրթաթոշակների համար կարող են դիմել բարձր որակավորում ունեցող բարձրագույն կրթություն ունեցող բոլոր այն անձինք, ովքեր գոնե կրթաթոշակը սկսվելու պահին կունենան մագիստրոսի աստիճան կամ դիպլոմավորված մասնագետի որակավորում: Եզակի դեպքերում կրթաթոշակ կարող են ստանալ նաև բակալավրի աստիճան ունեցող անձինք կամ նրանք, ովքեր արդեն իսկ ունեն գիտությունների թեկնածուի աստիճան: Բժիշկները պետք է ունենան առնվազը 6 տարվա բժշկական կրթություն և պետք է գրանցված լինեն օրդինատուրայում:
- Այն դիմորդները, ովքեր ձգտում են պաշտպանության հայրենիքում, պետք է ունենան համապատասխան թույլտվություն իրենց բուհից (ասպիրանտի կամ գիտական հայցորդի կարգավիճակ)՝

DAAD տեղեկատվական կենտրոն

- Գերմանացի դասախոսի գրավոր հրավերի առկայություն, որը հստակորեն առնչվում է դիմորդի գիտահետազոտական նպատակին և ցույց է տալիս համագործակցելու և աշխատանքի համար անհրաժեշտ պայմաններ ստեղծելու պատրաստակամությունը: Եթե պաշտպանությունը պլանավորվում է գերմանական բուհում, ապա որպես կանոն պետք է առկա լինի համապատասխան ղեկավարի համաձայնությունը:
- Գերմանիայում պաշտպանություն պլանավորող դիմորդները պետք է ներկայացնեն Գերմանիայում պաշտպանության հնարավորությունը հավաստող փաստաթուղթ, ինչպես նաև համապատասխան համաձայնագիր՝ տրված գերմանացի ղեկավարի կողմից:
- Ընտրության համար կարևոր չափանիշ է դիմորդի կողմից մինչ այժմ ցուցաբերած ուսման առաջադիմությունը, ինչպես նաև Գերմանիայում իրականացվելիք գիտահետազոտական աշխատանքի հիմնավոր և համոզիչ շարադրանքը, որը պետք է համաձայնեցված լինի գերմանացի ղեկավարի հետ:
- Որպես կանոն, պարտադիր պայման է գերմաներենի իմացությունը, ինչը սակայն պայմանավորված է դիմորդի ընտրած առարկայից և նպատակներից: Առանձին դեպքերում, երբ ընտրված մասնագիտությունը կամ առարկան պատկանում է բնական և ինժինեռական գիտություններին և, երբ հրավիրող բուհը նշված մասնագիտական կուրսը անց է կացնում անգլերեն լեզվով, անհրաժեշտ է ներկայացնել անգլերեն լեզվի իմացության վկայական՝ համապատասխան բուհի պայմաններին: DAAD-ն մասնավոր դեպքերում որոշում է, թե արդյոք նպատակահարմար է տրամադրել իր կողմից ֆինանսավորվող գերմաներենի կուրս՝ կրթաթոշակը սկսվելուց առաջ: Նման լեզվի կուրս կարող է տրամադրվել միայն վեց ամսից ավել տևողությամբ կրթաթոշակի դեպքում:
- Դիմելու պահին դիմորդը պետք է բուհը ավարտած չլինի ավելի քան 6 տարի առաջ, ասպիրանտների պարագայում այն պետք է լինի ոչ ավելի քան 3 տարի, իսկ գիտական թեզը պաշտպանածները՝ 4 տարի:
- Սյն դիմորդներն, ովքեր դիմելու պահին մեկ տարուց ավել գտնվել են Գերմանիայում չեն կարող դիմել ծրագրին:
- Բժշկական բնագավառի առանձնահատկություններին վերաբերող ցուցումները կարող էք գտնել կցված հուշաթերթիկից, որտեղ տեղեկացվում է բժշկության բնագավառում ուսման պայմանների և դիմելու համար անհրաժեշտ պայմանների մասին (համապատասխան տեղեկություններ կարելի է գտնել նաև հետևյալ ինտերնետային կայքից www.daad.de/extrainfo):
- Նախապատվությունը տրվում է այն դիմորդներին, ովքեր ձգտում են գիտական նվաճումների:

Դիմելու համար անհրաժեշտ փաստաթղթերը

Դիմումի ձև ներկայցվում է on-line – տարբերակով, MOVE-համակարգով (www.funding-guide.de)

Բոլոր փաստաթղթերը պետք է ներկայացնել նաև թղթային տարբերակով՝ երեք օրինակից:

DAAD տեղեկատվական կենտրոն

Սարմենի 82, 0019 Երևան * Հեռ. +37410/ 58 25 15 * E-Mail: info@daad.am

- Դիմումի ձև՝ www.funding-guide.de, MOVE-համակարգով, գրանցվելուց և դիմումաձևը լրացնելուց հետո պետք է վերբեռնել բոլոր անհրաժեշտ փաստաթղթերը, որոնք ներկայացված են ստորև: Մանրամասները նայել՝ <http://www.daad.am/de/14295/index.html#Forschung>
- Կենսագրություն (CV)
- Հետազոտության նպատակի մանրամասն և ճշգրիտ շարադրանք/ Թե ինչ կառուցվածք պետք է ունենա Ձեր հետազոտական աշխատանքը, կարող եք նայել հետևյալ հուշաթերթիկում, որը կգտնեք մեր անգլերեն կամ գերմաներեն լեզվով կայքում, համապատասխան ծրագրի ներքո
- Գերմանացի դասախոսի կողմից հրավեր, համաձայնագիր
- Մասնագետ-դասախոսների կողմից տրված 2 երաշխավորագիր՝ DAAD-ի համապատասխան հայցաձևի վրա/ երաշխավորագրերը ներկայացնել փակ ծրարով, վերբեռնել անհարժեշտ չէ
- Վկայականներ (առանց նոտարական վավերացման, եթե առկա է թարգմանված տարբերակը բուհի կողմից, եթե ոչ թարգմանությունները կարող են հաստատվել կամ բուհի, կամ թարգմանչական գրասենյակների կողմից, ընդունվում են միայն գերմաներեն կամ անգլերեն լեզվով թարգմանությունները)
 - հասունության վկայական /ատեստատ
 - բուհի ավարտական վկայական՝ դիպլոմ (բակալավրի, մագիստրոսի)
 - առկայության դեպքում նաև գիտությունների թեկնածուի վկայականը
- Ասպիրանտների (հայցորդների) և օրդինատորների դեպքում պահանջվում է նաև տեղեկանք՝ ասպիրանտուրա/օրդինատուրա ընդունվելու մասին
- Գերմաներենի իմացության վկայական (On DaF, Test DaF, DSD, DSH, ինչպես նաև Գյոթե ինստիտուտի կողմից ճանաչված համապատասխան վկայականները)
- Առկայության դեպքում գիտական հրապարակումների ցանկ
- Առկայության դեպքում տեղեկանք անցկացրած պրակտիկաների մասին

Համապատասխան վկայականները պետք է վերբեռնել միայն նշված վերնագրի տակ:

Երաշխավորագիր նամակները խնդրում ենք չվերբեռնել: Նրանք պետք է հանձնել DAAD երևանյան գրասենյակ փակ ծրարով:

Բոլոր փաստաթղթերը վերբեռնելուց հետո Դուք կստանաք Ձեր փաստաթղթերի ամբողջական տարբերակը՝ pdf ֆայլի տեսքով: Այն պետք է տպել 3 օրինակից և հանձնել DAAD երևանյան գրասենյակ:

Բոլոր փաստաթղթերը պետք է հանձնել առանց ամրակների, միակողմանի տպված:

Լրացուցիչ փաստաթղթեր չեն ընդունվում և խնդրում ենք նաև չվերբեռնել:

DAAD տեղեկատվական կենտրոն

Սարմենի 82, 0019 Երևան * Հեռ. +37410/ 58 25 15 * E-Mail: info@daad.am

DAAD-ի Բոննի գրասենյակին ուղիղ հասցեագրված դիմումները չեն կարող դիտարկվել:

Գերմանիայում ուսման և հետազոտման հնարավորությունների մասին համապատասխան տեղեկատվություն կարելի է գտնել նաև հետևյալ ինտերնետային կայք էջերում՝ www.phdgermany.de, www.research-in-germany.de

Դիմումներն ընդունվում են մինչև սույն թվականի նոյեմբերի 10-ը:

Գերմաներեն լեզվի քննությունը տեղի կունենա նոյեմբեր ամսին փաստաթղթերի հանձնումից հետո: